



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍՉԱԿԱՆ ՄԱՐՄԻՆ

Ո Ր Ո Շ ՈՒ Մ N_170
Տուգանք նշանակելու մասին

24.05.2023թ.

ք. Երևան

Քննելով տեսչական մարմնի կողմից 2023թ. ապրիլի 11-ի N 241-Ա հրամանով

«ԳԱԳԻԿ ԽԱՉԱՏՐՅԱՆ ՀԵՆՐԻԿԻ» Ա/Ձ-ում /ՀՎՀՀ՝ 37432697/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 241-Ա կազմված 16.05.2023թ., խախտումների մասին 19.04.2023թ. արձանագրությունը և այլ նյութերը), որոնցով բացահայտվել է, որ Ա/Ձ-ն զբաղվում է խաղալիքների, երեխաների և դեռահասների համար նախատեսված արտադրանքների ներմուծմամբ և վաճառքով ք. Երևան, Արշակունյաց 17 Ա 31 տաղավար հասցեում: Ստուգումն իրականացվել է «Խաղալիքների անվտանգության ստուգման վերաբերյալ» և «Երեխաների և դեռահասների համար նախատեսված արտադրանքի անվտանգության ստուգման վերաբերյալ» ստուգաթերթերի հիման վրա:

Ստուգման արդյունքում պարզվել է, որ ներմուծված խաղալիքների, երեխաների և դեռահասների համար նախատեսված արտադրանքները 01.01.2020թ.-ից առ ստուգման պահը իրացվել են առանց համապատասխանության գնահատման փաստաթղթերի, ինչպես նաև իրացվում տեխնիկական կանոնակարգով սահմանված մակնշմանը ներկայացվող պահանջների բացակայությամբ:

Փաստացի խախտվել է «Տեխնիկական կանոնակարգման մասին» ՀՀ օրենքի 27-րդ հոդվածի 2-րդ և 3-րդ մասերի, Մաքսային միության հանձնաժողովի 23.09.2011թ. N798 որոշմամբ հաստատված «Խաղալիքների արտադրանքի անվտանգության մասին» (ՄՄ ՏԿ 008/2011) տեխնիկական կանոնակարգի 3-րդ հոդվածի 1-ին և 3-րդ կետերի, 4-րդ հոդվածի 5-րդ կետի 5.1, 5.2, 5.3, 5.4 ենթակետերի, 6-րդ կետի և Մաքսային միության հանձնաժողովի 23.09.2011թ. N797 որոշմամբ հաստատված «Երեխաների և դեռահասների համար նախատեսված արտադրանքի անվտանգության մասին» 3-րդ հոդվածի 1-ին կետի, 9-րդ հոդվածի 1-ին, 2-րդ, 3-րդ, 7-րդ կետերի և 13-րդ հոդվածի 3-րդ և 4-րդ կետերի պահանջները: Նշված իրավախախտման համար պատասխանատու է՝

Գագիկ Հենրիկի Խաչատրյանը

իրավախախտողի անունը, ազգանունը, պաշտոնը

ք. Երևան, Նանսենի փ. 32., բն.11

մշտական բնակավայրը և հասցեն

Իրավախախտում կատարած անձը «Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն պատշաճ ծանուցվել է ՀՀ Շուկայի

վերահսկողության տեսչական մարմնում 24.05.2023թ.-ին ժամը 11:00-ին կայանալիք վարչական գործի քննության տեղի, օրվա, ժամանակի մասին, սակայն չի ներկայացել և գործը քննվել է նրա բացակայությամբ:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան իրավախախտում կատարած անձի նկատմամբ վարչական տույժը որպես վարչական պատասխանատվության միջոց կիրառելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 34-րդ հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Տվյալ իրավախախտման համար պատասխանատու ճանաչել Գագիկ Հենրիկի Խաչատրյանին և կիրառել Վարչական իրավախախտումների վերաբերյալ Հայաստանի Հանրապետության օրենսգրքի 188-րդ հոդվածի 1-ին մասով նախատեսված պատասխանատվության միջոցը, սահմանել տուգանք 150 000 /մեկ հարյուր հիսուն հազար/ ՀՀ դրամի չափով և 188-րդ հոդվածի 2-րդ մասով նախատեսված պատասխանատվության միջոցը, սահմանել տուգանք 130 000 /մեկ հարյուր երեսուն հազար/ ՀՀ դրամի չափով, ընդհանուր՝ 280 000 / երկու հարյուր ութսուն հազար/ ՀՀ դրամի չափով տուգանք:

2. Տուգանքը պետք է վճարվի Պետական բյուջե 900005024014 հ/հ:

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍԶԱԿԱՆ ՄԱՐՄՆԻ ՂԵԿԱՎԱՐ՝



ԱՐՄԵՆ ԿՈՏՈՒՅԱՆ